

Mjesto i način prijavljivanja

Prijava na ovaj Konkurs, sa traženim dokumentima, dostavlja se lično ili preporučenom poštom na adresu:

Ministarstvo za pravosuđe i upravu Zeničko-dobojskog kantona, ulica Kučukovići broj 2, Zenica, uz naznaku:

„Prijava za izbor jednog notara sa službenim sjedištem na području Zeničko-dobojskog kantona – za grad Zenicu „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Kakanj „– Ne otvarati,

„Prijava za izbor jednog notara sa službenim sjedištem na području Zeničko-dobojskog kantona – za općinu Zavidovići, „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Tešanj, „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Maglaj, „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Breza, „– Ne otvarati,

Na poleđini koverta navesti ime i prezime podnosioca, adresu i kontakt telefon.

Nepotpune i neblagovremene prijave neće biti razmatrane.

Broj: 06-30-13279 /21
Datum; 01.10.2021. godine
Zenica

MINISTAR

Nebojša Nikolić, s.r.

ZAVOD ZDRAVSTVENOG OSIGURANJA ZENIČKO-DOBOJSKOG KANTONA

474.

Na osnovu člana 103. Zakona o zdravstvenom osiguranju FBiH ("Službene novine Federacije BiH", broj: 30/97, 7/02, 70/08, 48/11 i 36/18), člana 60. Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona", broj: 11/16 i 9/19), člana 29. stav 1. Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj: 59/18), a u vezi sa članom 3. Pravilnika o obimu prava na Biomedicinski potpomognutu oplodnju na teret sredstava obaveznog zdravstvenog osiguranja i načinu formiranja cijene pojedinačnih postupaka biomedicinski potpomognute oplodnje ("Službene novine Federacije BiH", br. 50/20) i važećih Smjernica za liječenje neplodnosti, Upravni odbor Zavoda zdravstvenog osiguranja Zeničko-dobojskog kantona, na 50. sjednici održanoj 16.09.2021. godine, donosi

ODLUKU O PRAVU NA BIOMEDICINSKI POTPOMOGNUTU OPLODNJU NA TERET SREDSTAVA ZAVODA ZDRAVSTVENOG OSIGURANJA ZENIČKO-DOBOJSKOG KANTONA

Član 1.

Ovom Odlukom se utvrđuju uslovi i kriteriji za ostvarivanje prava na biomedicinski potpomognutu oplodnju na teret sredstava Zavoda zdravstvenog osiguranja Zeničko-dobojskog kantona (u daljem tekstu: **Zavod**) za pružene usluge biomedicinski potpomognute oplodnje (u daljem tekstu: **BMPO**) bračnom odnosno vanbračnom drugu - osiguranim licima Zavoda zdravstvenog osiguranja Zeničko-dobojskog kantona.

Član 2.

Pravo na BMPO iz sredstava obaveznog zdravstvenog osiguranja, uz ispunjavanje uslova iz članova. 21. i 22. Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj 59/18 - u daljnjem tekstu: **Zakon**), imaju punoljetni i poslovno sposobni žena i muškarac koji su u braku, odnosno u vanbračnoj zajednici i koji su u dobi koja omogućava obavljanje roditeljskih dužnosti, podizanje, odgoj i osposobljavanje djeteta za samostalan život, te uz kumulativno ispunjavanje sljedećih uvjeta:

- a) da su oba partnera osigurana lica Zavoda, i za koje se redovno uplaćuju doprinosi,
- b) da par nema djece,
- c) nalaz doktora medicine specijaliste ginekologije i akušerstva, kojim se potvrđuje:
 - da su provedeni postupci utvrđivanja uzroka neplodnosti ili smanjenja plodnosti u skladu sa Smjernicama za liječenje neplodnosti (u daljnjem tekstu: **Smjernice**) donesenim na osnovu člana 23. stav 3. Zakona.
 - da postoje indikacije za BMPO u skladu sa Smjernicama,
 - da su iscrpljene sve druge mogućnosti liječenja neplodnosti, ili kada hirurška, medikamentozna ili kombinirana terapija nije moguća ili nije uspješna,
 - da je provedeno liječenje parova u skladu sa Smjernicama,
 - da su partneri informirani o BMPO u skladu sa članom 32. Zakona;
- d) da je obavljeno testiranje u partnerskoj donaciji u skladu sa Smjernicama, i to: anti-HIV-1 i anti-HIV-2, HbsAg i anti-HBc, anti-HCV (antitijela na hepatitis C) i sifilis - specifični ili nespecifični treponema test,
- e) da je žena u dobi do navršene 42. godine života.

Izuzetno od stava 1. tačka e) ovog člana, na prijedlog stručnog konzilija zdravstvene ustanove u kojoj se liječe bračni, odnosno vanbračni drugovi, a iz opravdanih zdravstvenih razloga, može se dati saglasnost na BMPO i ženi nakon navršene 42. godine života, a u skladu sa Smjernicama.

Član 3.

Bračni, odnosno vanbračni parovi zahtjev za postupak BMPO predaju na Odjelu za humanu reprodukciju, menopauzu i estetsku ginekološku endokrinologiju pri Kantonalnoj bolnici Zenica.

Uz zahtjev je nužno priložiti dokumentaciju traženu u članu 4. ove Odluke.

O zahtjevu ocjenu i mišljenje daje Komisija za odobravanje usluga iz oblasti biomedicinski potpomognute oplodnje (u daljnjem tekstu: **Komisija**) imenovana od strane direktora Zavoda, a na osnovu koje Direktor daje Saglasnost.

Zadatak Komisije je da razmotri i donese ocjenu i mišljenje na osnovu koje se izdaje Saglasnost Zavoda zdravstvenog osiguranja Zeničko-dobojskog kantona za uslugu BMPO u ovlaštenim ustanovama sa kojima Zavod ima zaključen ugovor o obavljanju BMPO.

Na osnovu pozitivne ocjene i mišljenja Komisije, a na zahtjev bračnog, odnosno vanbračnog para, direktor Zavoda izdaje Saglasnost za uslugu BMPO (u daljnjem tekstu: **Saglasnost za BMPO**). U slučaju negativnog mišljenja i ocjene Komisije, na zahtjev stranke se izdaje Rješenje.

Saglasnost važi 12 mjeseci od dana izdavanja., Ukoliko parovi nisu ostvarili svoje pravo na BMPO iz opravdanih razloga, mogu podnijeti novi zahtjev uz obrazloženje razloga.

Poslovi i zadaci koje obavlja Komisija, utvrđeni su Poslovníkom o radu Komisije.

Član 4.

U cilju dokazivanja prava iz člana 2. ove Odluke potrebno je dostaviti sljedeću dokumentaciju:

- Zahtjev partnera, potpisan od strane oba partnera, sa navedenim imenima i prezimenima, JMBG-ovima, brojevima kontakt telefona, e-mail adresama i adresama stanovanja partnera,
- Ovjerena izjava da par nema djece,
- Izvod iz matične knjige vjenčanih za bračne drugove, a u slučaju vanbračne zajednice ovjerena notarska izjava ne starija od 6 mjeseci,
- Medicinske nalaze kojima se potvrđuje ispunjavanje uslova iz tačaka c) i d) iz člana 2.,
- Kopiju lične karte žene,
- Obavijest o prebivalištu izdatu od strane MUP-a (CIPS),
- Konzilijarno mišljenje doktora medicine specijaliste ginekologije i akušerstva nadležne zdravstvene ustanove - kopija,
- Eventualno drugu dokumentaciju u svrhu dokazivanja ispunjenosti uslova propisanih ovom Odlukom.

Član 5.

Na osnovu izdate Saglasnosti za BMPO Zavoda, bračni, odnosno vanbračni parovi ostvaruju pravo na postupak BMPO u opredjeljenoj ugovornoj zdravstvenoj ustanovi koja ima rješenje federalnog ministra zdravstva za obavljanje BMPO na području Federacije Bosne i Hercegovine (ovlaštena zdravstvena ustanova) u skladu sa Zakonom i s kojom Zavod ima sklopljen ugovor za pružanje usluga BMPO.

Zavod izdatu suglasnost dostavlja bračnim, odnosno vanbračnim parovima kojima je odobreno liječenje BMPO, ugovornoj zdravstvenoj ustanovi u koju se upućuje osigurano lice, Komisiji, Službi za pravne i opće poslove Zavoda, Službi za finansijske i računovodstvene poslove Zavoda i arhivi Zavoda.

Član 6.

Pravo na liječenje putem BMPO na teret sredstava obaveznog zdravstvenog osiguranja, u pravilu, ima žena do navršene 42. godine života, koja je u braku, odnosno vanbračnoj zajednici, i to u sljedećem obimu:

- a) tri pokušaja intrauterine inseminacije:
 - prvi pokušaj se finansira u iznosu od 100% cijene utvrđene u Tarifi zdravstvenih usluga,
 - drugi i treći pokušaj se finansira u iznosu od 50% utvrđene cijene iz alineje 1. ove tačke.
- b) pet pokušaja vantjelesne oplodnje:
 - prvi pokušaj se finansira u iznosu od 100% cijene utvrđene u Tarifi zdravstvenih usluga,
 - svaki naredni pokušaj finansira se u iznosu od 50% cijene utvrđene u Tarifi zdravstvenih usluga za embriotransfer ili kompletan postupak vantjelesne oplodnje.
- c) pohranjivanje spolnih ćelija, spolnih tkiva I embriona:
 - za prvu godinu pohranjivanja finansira se u iznosu od 100% cijene utvrđene u Tarifi zdravstvenih usluga,
 - za svaku sljedeću godinu finansira se u iznosu od 30% utvrđene cijene iz alineje 1. ove tačke.

Ukoliko nije došlo do trudnoće u postupku intrauterine inseminacije iz tačke a) stava 1. ovog člana, par konzumira pravo, a shodno medicinskim indikacijama, na postupak vantjelesne oplodnje iz tačke b) stava 1. ovog člana.

Pokušaj u smislu ove Odluke je postupak vantjelesne oplodnje koji se završava jednim embriotransferom.

Troškovi lijekova padaju na teret ličnih sredstava pacijenta, s tim da pacijent ima pravo refundacije troškova lijekova koji se nalaze na Listi lijekova ZDK, u obimu kako je to utvrđeno po vrsti postupka iz stava 1. ovog člana.

Priznavanje troškova za lijekove za stimulaciju ovulacije obavljat će se na način utvrđen u stavu 4. ovog člana do donošenja Odluke o izmjeni Liste lijekova obaveznog zdravstvenog osiguranja Federacije Bosne i Hercegovine.

Član 7.

Finasiranje troškova usluga BMPO, vrši će se do utroška planiranih sredstava predviđenih Finansijskim planom Zavoda za tekuću godinu, nakon čega se formira "Lista čekanja" koju utvrđuje Komisija.

Zavod na godišnjem nivou izdaje onoliki broj saglasnosti čiji procjenjeni iznos troškova ne prelazi iznos sredstava predviđenih Finansijskim planom Zavoda za BMPO.

Služba za finansijsko i računovodstvene poslove Zavoda dužna je da prati utrošak sredstava namjenjenih za BMPO i da o tome redovno izvještava Direktora Zavoda i Komisiju.

Član 8.

Ukoliko je broj zahtjeva za BMPO veći nego što je planirano sredstava za BMPO na godišnjem nivou u Finansijskom planu Zavoda, tada se formira "Lista čekanja", pri čemu treba voditi računa o starosnoj dobi žene i onkološkim bolesnicima, kao i parovima koji nisu ostvarili ovo pravo iz sredstava zdravstvenog osiguranja u prethodnom periodu do dana stupanja na snagu ove Odluke.

Član 9.

Ova Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 01-100-50-425/21

Datum; 16.09.2021. godine
Zenica**PREDSJEDNIK
UPRAVNOG ODBORA****dipl.pravnik Almir Redžić, s.r.**
.....

